

Na osnovu članova 50 stav (1) i 53. stav (1) Pravilnika Centralne banke Bosne i Hercegovine, UV-104-01-I-116/15 od 28. decembra 2015. godine i člana 9. Odluke o organizovanju klirinškog načina obračuna međunarodnih plaćanja („Službeni glasnik BiH“, br. 42/07), guverner Centralne banke Bosne i Hercegovine, d o n o s i

Procedure
o izmjeni procedura o učešću u kliringu međunarodnih plaćanja
između Centralne banke Bosne i Hercegovine i komercijalnih banaka

Član 1.

U Procedurama o učešću u kliringu međunarodnih plaćanja između Centralne banke Bosne i Hercegovine i komercijalnih banaka br. 122-17-2-1829-1/16 LjJ od 27.7.2016. godine, član 5. mijenja se i glasi:

”Član 5.

(Obračun kamate i troškova ino banke)

(1) Centralna banka vrši obračun kamate i troškova jednom mjesečno. Računi banaka se odobravaju za pripadajući iznos pozitivne kamate, odnosno zadužuju za pripadajući iznos negativne kamate i troškova do desetog dana u mjesecu, za prethodni mjesec. Osnov za obračun kamate i troškova bankama predstavlja iznos za koji je odobren, odnosno zadužen račun iz člana 1. stav (2) ovih procedura.

(2) Obračun kamate se vrši prema dnevnim stanjima banaka u toku obračunskog perioda.

(3) U slučaju kada Deutsche Bank AG Frankfurt A/M odobri nekamatonsni limit (iznos do kojeg se ne obračunava negativna kamata), negativna kamata se obračunava bankama srazmjerno udjelu njihovog pojedinačnog prekoračenja nekamatonsnog limita u iznosu ukupnog prekoračenja nekamatonsnog limita na računu iz člana 1. stav (2) ovih procedura. Nekamatonsni limit odobren od strane Deutsche Bank AG Frankfurt A/M se ravnomjerno raspoređuje na sve banke.

(4) Obračun troškova se vrši prema broju transakcija – uplata na račun i isplata s računa, kao i broju transakcija uplata i isplata po osnovu neto pozicija banaka učesnica u kliringu međunarodnih plaćanja.“

Član 2.

Ove procedure stupaju na snagu danom objavljivanja na Intranet stranici Centralne banke, a primjenjivaće se od 1.10.2020. godine.

Broj: 122-17-2-1860-6 /20
Sarajevo, 29.09. 2020. godine



GUVERNER

dr. Senad Softić